
Cyfle am Wobr S4C Clic 2019 ("y Gystadleuaeth") Telerau ac Amodau Llawn

Mae'r telerau ac amodau canlynol yn berthnasol i'r Gystadleuaeth hon.

1. Mae'r Gystadleuaeth yn agored i holl breswylwyr y Deyrnas Unedig sy'n 16 oed neu'n hŷn ac eithrio unigolion sy'n gyflogedig gan S4C, unigolion a chwmnïau eraill sydd â chyswllt uniongyrchol gyda'r Gystadleuaeth a'u teulu agosaf.
2. Y wobr ar gyfer enillydd y Gystadleuaeth fydd teledu clyfar HD 49".
3. Bydd pob unigolyn sy'n cofrestru am gyfrif S4C Clic rhwng 27 Mai 2019 a 10 Awst 2019 ac sy'n bodloni'r meini prawf yn cael eu cyflwyno'n awtomatig fel cais i'r Gystadleuaeth. Ni dderbynnir unrhyw geisiadau a gyflwynir trwy gyfrwng unrhyw ddull arall.
4. Dyddiad cau'r Gystadleuaeth yw 10 Awst 2019. Ni fydd unrhyw geisiadau a wneir ar ôl y dyddiad cau yn cael eu cynnwys yn y Gystadleuaeth.
5. Ar ôl 11 Awst 2019 dewisir un enillydd ar hap o blith yr holl geisiadau cywir a gyflwynir ar neu cyn y dyddiad cau gan ddefnyddio proses cyfrifiadurol. Bydd penderfyniad S4C ynghylch yr enillydd yn derfynol ac ni atebir unrhyw ohebiaeth.
6. Cysylltir S4C â'r enillydd drwy ebost ar ôl 11 Awst 2019. Os na fydd modd i S4C gysylltu â'r enillydd neu os na fydd modd gwneud trefniadau i ddosbarthu'r wobr yn dilyn ymdrechion rhesymol gan S4C i wneud hynny, bydd gan S4C yr hawl i ddewis enillydd arall o blith y ceisiadau a gyflwynwyd i'r Gystadleuaeth..
7. Trefnir y Gystadleuaeth hon gan S4C a'r hyrwyddwr yw S4C. Dylid cyfeirio unrhyw ymholiadau neu gwynion am y Gystadleuaeth hon at Wifren Gwylwyr S4C ar 0370 600 4141 (ni fydd galwadau'n costio mwy na chost galwad ar y gyfradd genedlaethol i rif 01 neu 02).
8. Mae S4C yn cadw'r hawl i newid neu ddiwygio'r Gystadleuaeth neu'r telerau (gan gynnwys gofynion cymhwysedd) yn ôl ei disgresiwn ei hun gyda neu heb rybudd ymlaen llaw (i) yn achos unrhyw ddigwyddiad sydd y tu hwnt i reolaeth resymol S4C (ii) i sicrhau bod y Gystadleuaeth yn cael ei chynnal yn deg ac (iii) i sicrhau cydymffurfiaeth â'r deddfau, y rheoliadau a'r canllawiau perthnasol.
9. Yn achos unrhyw anghydfod ynghylch y telerau hyn, y wobr, y canlyniad neu unrhyw fater arall yn ymwneud â'r Gystadleuaeth, bydd penderfyniad S4C yn derfynol ac ni fyddwn yn ymgymryd ag unrhyw ohebiaeth.
10. Trwy gymryd rhan yn y Gystadleuaeth rydych yn cytuno, yn cadarnhau ac yn gwarantu:
 - i. bod yr holl wybodaeth a ddarperir gennych i S4C yn gywir, wedi'i ddiweddarau ac yn gyflawn;
 - ii. os enillwch y Gystadleuaeth, bod S4C yn gallu defnyddio eich enw at ddibenion cyhoeddusrwydd; a
 - iii. bod eich cais ac unrhyw wybodaeth a gyflwynir gennych yn bersonol i chi.

11. Mae S4C yn cadw'r hawl i wirio cymhwysedd pob ymgeisydd i gymryd rhan yn y Gystadleuaeth, gan gynnwys yr hawl i ofyn am brawf ysgrifenedig o oedran yr enillydd. Gall S4C wahardd ymgeisydd sy'n gwrthod neu nad ydyw'n darparu gwybodaeth o'r fath pan ofynnir amdani a gall wahardd unrhyw ymgeisydd os oes ganddi sail resymol dros gredu bod yr ymgeisydd wedi torri unrhyw rai o'r telerau.
12. Os bydd enillydd y Gystadleuaeth wedi hynny'n cael ei wahardd o'r Gystadleuaeth am unrhyw reswm, gall S4C, yn ôl ei disgresiwn ei hun, ddewis enillydd arall o blith y ceisiadau a gyflwynwyd i'r Gystadleuaeth..
13. Os bydd S4C yn canfod neu fod ganddi sail resymol dros amau bod ymgeisydd wedi defnyddio unrhyw feddalwedd neu broses awtomataidd i wneud nifer fawr o geisiadau i'r Gystadleuaeth, gall S4C eithrio ceisiadau o'r fath a gwahardd yr ymgeisydd o'r Gystadleuaeth.
14. Nid yw S4C yn derbyn unrhyw gyfrifoldeb am unrhyw wall, hepgoriad, toriad, dilead, nam nac oedi yn unrhyw ddull cyfathrebu a ddefnyddiwyd gan ymgeiswyr, ceisiadau nad ydynt wedi'u derbyn cyn y dyddiad cau nac am ladradd, dinistriad, newid neu fynediad anawdurdodedig i geisiadau, neu geisiadau a gollwyd, a niweidiwyd neu a oedwyd yn sgil gweithrediadau gweinydd, materion technegol, feirws, nam cyfrifiadurol neu achosion eraill y tu hwnt i reolaeth S4C.
15. Bydd S4C yn trefnu gyda'r enillydd i'r enillydd dderbyn y wobr. Anfonir y wobr drwy wasanaeth negesydd (courier service). Bydd prawf anfon gan S4C yn gyfystyr â phrawf ei fod wedi cyrraedd.
16. Mae S4C yn cadw'r hawl i gyhoeddi enw'r enillydd a'r sir y mae'n byw ynddi ar wefan S4C am 21 diwrnod. Bydd yr wybodaeth hon hefyd ar gael yn dilyn y dyddiad cau drwy ffonio Gwifren Gwylwyr S4C ar **0370 600 4141** (ni fydd galwadau'n costio mwy na chost galwad ar y gyfradd genedlaethol i rif 01 neu 02) neu drwy ysgrifennu at S4C, Canolfan S4C: Yr Egin, Caerfyrddin, SA31 3EQ, gan nodi enw'r gystadleuaeth a chynnwys amlen â'ch cyfeiriad a stamp arni.
17. Ni ellir cyfnewid na throsglwyddo'r wobr ac nid oes modd dewis arian yn eu lle.
18. Mae S4C yn eithrio unrhyw atebolrwydd i'r graddau eithaf a ganiateir gan y gyfraith am unrhyw golled, difrod, anaf neu siom a ddioddefir gan unrhyw ymgeisydd yn sgil ei gais/chais ar gyfer y Gystadleuaeth, neu a ddaw i ran yr enillydd yn sgil y ffaith ei fod/ei bod wedi derbyn y wobr.
19. Nid yw S4C yn gyfrifol am unrhyw faterion technegol yn ymwneud ag unrhyw rwydwaith telegyfathrebu neu ryngrwyd (gan gynnwys mewn perthynas â chyflymder neu led band), gan gynnwys unrhyw anaf neu ddifrod i ddyfais ymgeisydd neu ddyfais unrhyw berson arall yn ymwneud â neu yn sgil cymryd rhan neu lawrlwytho unrhyw ddeunydd yn y Gystadleuaeth.
20. Bydd S4C yn defnyddio'r data personol a ddarparwyd yn unol â chymal 16 uchod, at ddiben gweinyddu'r Gystadleuaeth ac at ddiben sefydlu a gweinyddu eich cyfrif S4C yn unol â Pholisi Preifatrwydd S4C sydd ar gael yma www.s4c.cymru/c_privacypolicy.shtml. Bydd unrhyw ddata personol yn ymwneud ag ymgeiswyr yn cael ei brosesu yn unol â'r Rheoliad Amddiffyn Data Cyffredinol (GDPR) ac yn unol â deddfwriaeth diogelu data cyfredol y DU.
21. Gall S4C gadw data yn ymwneud ag ymgeiswyr am gyfnod rhesymol wedi i'r Gystadleuaeth gau er mwyn cynorthwyo S4C i ymdrin ag unrhyw ymholiadau.

22. Mae'r Gystadlaethau a'r telerau hyn yn ddarostyngedig i gyfreithiau Cymru a Lloegr a bydd unrhyw anghydfod yn ddarostyngedig i awdurdodaeth neilltuol llysoedd Cymru a Lloegr.